



**NAŠA
STRANKA**

Politička organizacija građana „Naša stranka“
Općinski odbor Velika Kladuša
Adresa: Huske Miljkovića 2
Telefon: 0603116674
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša
Općinski načelnik

PREDMET: VIJEĆNIČKO PITANJE

Poštovani_e,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da postavlja vijećnička pitanja koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem sljedeće vijećničko pitanje: **Da li je išta poduzeto na rješavanju problema sa kanalizacijom koja se ulijeva u odsječeno (staro) korito rijeke Grabarske od objekta bivše klaonice do starog ušća u rijeku Kladušnicu?**

Obrazloženje:

Na 12. redovnoj sjednici općinskog vijeća održanoj 21. jula 2022. godine uputili smo Inicijativu u ime mještana ulice Hajrudina Hušidića – Prike, za rješavanje ovog problema.

U obrazloženju je bilo navedeno da je regulacijom korita rijeke Grabarske odsječen dio korita od klaonice do starog ušća u rijeku Kladušnicu, te je taj dio ostao bez protoka vode dok se kanalizacija i dalje ulijeva u isti. Na taj način je taj dio korita pretvoren u otvorenu septičku jamu. Zbog toga se, prema tvrdnjama mještana, stvara smrad koji je neizdrživ. Napominjemo da su najbliže kuće udaljene svega 30-ak metra, ta da su stadion NK Krajišnika i još dva igrališta nogometnih škola za djecu udaljeni svega 50-ak metra. Jasno je da je na ovaj način ugrožena i zdravstvena situacija, kako samih mještana tako i svih onih koji koriste ove sportske terene, a i ostalih građana. Komunalno vodni inspektor Općine Velika Kladuša je u trenutku preusmjeravanja korita rekao da će se kanalizacija ucijeviti i sprovesti u novo korito, kao alternativno rješenje do rješavanja kanalizacione mreže.

Mještani koji žive u ulici Hajrudina Hušidića - Prike su upućivali zahtjev nadležnoj inspekciji Općine Velika Kladuša i do danas nisu dobili odgovor.

U prilogu Inicijative su dostavljeni i potpisi građana koji su stajali iza podnesene inicijative.

S obzirom da je prošlo pet punih mjeseci od predaje inicijative koristim ovu priliku da pitam da li je išta učinjeno na rješavanju ovog problema i ako nije kada mještani spomenute ulice mogu očekivati da će problem biti riješen?

Molim odgovor u usmenoj i pisanoj formi.

Ime i prezime: Zlatko Pajzetović
Klub vijećnika Naše stranke

Velika Kladuša,
20.10.2022. godine